

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“ broj: 12/03, 34/03 i 65/13), i člana 18. Statuta Općine Maglaj („Službene novine Općine Maglaj“, broj:8/07, 3/08 i 6/08), Općinsko vijeće Maglaj na svojoj trećoj redovnoj sjednici održanoj dana \_\_\_\_\_ 2017.godine, d o n o s i

## O D L U K U

o izmjenama i dopunama Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Maglaj

### Član 1.

U članu 3. Odluke o utvrđivanju Standarda i kriterija za imenovanja na upražnjene pozicije u reguliranim tijelima Općine Maglaj, broj:02-05-2291/04 od 30. 12. 2004.godine („Službene novine Općine Maglaj“,broj:8/04 i 5/11), briše se tačka c) a koja se odnosi na nezavisne provjere.

Dosadašnja tačka d) postaje tačka c).

Dosadašnja tačka e) postaje tačka d).

### Član 2.

Član 4. mijenja se i glasi:

### **„Član 4. Odgovorni javni službenik**

Odgovorni javni službenik je lice ili organ u čijoj je nadležnosti regulirani organ i koji prema odredbama Zakona o ministarskim, vladinim i drugim imenovanjima u Federaciji BiH ima krajnju odgovornost da obezbijedi da postupak izbora bude proveden u skladu sa principima iz člana 3. Zakona i ove Odluke.

Odgovorni javni službenik iz stava 1. ovog člana je lice ili organ koje je osnovao navedeni regulirani organ. Ako je regulirani organ osnovalo Općinsko vijeće tada je odgovorni javni službenik Općinsko vijeće. Ako je regulirani organ osnovao Općinski načelnik tada se on smatra odgovornim javnim službenikom u smislu Zakona o ministarskim, vladinim i drugim imenovanjima u Federaciji BiH“.

### Član 3.

Iza člana 4. dodaje se novi član 4.a koji glasi:

### **„Član 4. a) Nominacije/imenovanja na kraći period**

Nominacije/imenovanja na kraći period su nominacije ili imenovanja na najviše tri mjeseca i ista se ne mogu ponoviti“

#### **Član 4.**

Član 9. stav 1. mijenja se i glasi:

#### **„Član 9.**

Krajnji rok za podnošenje prijave na oglas ne smije biti kraći od 14 dana od dana posljednjeg objavljivanja oglasa o upražnjenoj poziciji u traženim novinama“.

Stav 2. briše se“.

#### **Član 5.**

Član 10. mijenja se i glasi:

#### **„Član 10.**

Za provođenje postupka imenovanja na upražnjene pozicije u reguliranim tijelima utvrđene u članu 2. Odluke, imenuje se komisija za izbor.

Odgovorni javni službenik imenuje članove komisije za izbor. Komisija za izbor sastoji se od pet članova.

Prilikom imenovanja komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan posebni postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta.

Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor, te se komisija sastoji od uposlenika tog organa.

Ako je zakonom ili statutom propisano da i drugi organ ima ovlaštenje za imenovanje svojih predstavnika u reguliranom organu, tada odgovorni javni službenik tog organa imenuje svoju komisiju za izbor za one predstavnike za koje je nadležan i provodi postupak u skladu sa Zakonom i ovom Odlukom“.

Nadležnost Komisije utvrđena je Zakonom.

#### **Član 6.**

U članu 11. Odluke dodaje se novi stav koji glasi:

„ Prilikom pozivanja kandidata na intervju, svaki kandidat mora ispuniti obrazac u kojem će iznijeti bilo koje pitanje ili mogućnost koja bi mogla dovesti do sukoba interesa u slučaju da dođe do njegovog imenovanja“

#### **Član 7.**

Član 13. mijenja se i glasi:

#### **„Član 13.**

Nakon provedenog intervjua sa prijavljenim kandidatima i na osnovu u potpunosti dokumentovanih odluka svakog člana komisije, komisija za izbor će putem pismene

preporuke predložiti rang-listu sa najboljim kandidatima odgovornom javnom službeniku na dalje razmatranje. Predložena rang lista mora biti dovoljno obrazložena i sadržavati sve relevantne informacije koje komisija za izbor ima o kandidatima i njene preporuke. Smatra se da je kandidat koji je prvi na rang listi kojeg je preporučila većina članova komisije za izbor najuspješnije prošao otvorenu konkurenciju.“

#### **Član 8.**

Član 14. mijenja se i glasi:

#### **„Član 14.**

Sva konačna imenovanja se objavljuju u „Službenim novinama Federacije BiH“ ili „Službenim novinama kantona“, ili „Službenim novinama Općine Maglaj“ .

#### **Član 9.**

Član 15. mijenja se i glasi:

#### **„ Član 15.**

U slučaju kad postoje dokazi da principi utvrđeni u članu 3. Zakona i ove Odluke, ili postupci nisu ispoštovani, zainteresirana stranka može podnijeti prigovor na konačno imenovanje.

Prigovor se podnosi odgovornom javnom službeniku, a kopija se dostavlja Ombudsmenu za ljudska prava Bosne i Hercegovine. Ombudsman može preduzeti sve mjere neophodne da se prigovor ispita. Ombudsman može pokrenuti pitanja vezana za postupak imenovanja na koji se prigovor odnosi i može zahtijevati da odgovorni javni službenik njegovom uredu dostavi sve dokumente i spise vezane za navedeno imenovanje.

Odgovorni javni službenik mora uredu Ombudsmena dostaviti pismeni odgovor na prigovor u roku od 14 dana od kada je dat prigovor.

Ukoliko većina dokaza upućuje da je konačno imenovanje izvršeno u suprotnostima sa principima iz član 3. Zakona, Ombudsman je dužan da odgovornog javnog službenika pismeno informiše o svim nepravilnostima koje su proisteke iz procesa imenovanja.“

#### **Član 10.**

Pitanja koja nisu regulisana ovom Odlukom primjenjuju se odredbe Zakona.

#### **Član 11.**

Ova Odluka stupa na snagu danom donošenja i ima se objaviti u „Službenim novinama Općine Maglaj“.

Broj: \_\_\_\_\_  
Datum, \_\_\_\_\_

**PREDSJEDAVAJUĆA OV**  
Svjetlana Zamboni

## OBRAZLOŽENJE

Pravni osnov za donošenje ove Odluke sadržan je u odredbama Zakona o izmjenama i dopunama Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije BiH“, broj:65/13).

Suština Odluke se odnosi na postupak izbora i imenovanja upravnih/nadzornih odbora uvodeći u Odluku ko se smatra Odgovornim javnim službenikom i nominacije/imenovanja na kraći period.

Ako je regulirani organ osnovalo Općinsko vijeće onda je odgovorni javni službenik Općinsko vijeće.

Ako je regulirani organ osnovala Vlada Federacije Bosne i Hercegovine, Vlada kantona, gradonačelnik ili općinski načelnik tada se oni smatraju za odgovornog javnog službenika.

Nominacije/imenovanja na kraći period su nominacije ili imenovanja na najviše tri mjeseca i ista se ne mogu ponoviti.

Obrađivač:

Mirsada Skejić

Viši referent za rad i radne odnose

i ljudske resurse